



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Psalmi, Sev Precationes D. Ioan. Fisheri Episcopi
Roffensis**

Fisher, John

Lvgdvni, 1572

Psalmvs Primvs, Ad Impetrandam remissionem peccatorum.

urn:nbn:de:hbz:466:1-41688

PSALMVS³

PRIMVS, AD IM-

petrandam remissionem

peccatorum.



Dominator Domine, Deus
omnipotens, magne & ter-
ribilis, qui cælum, terram,
mare, & omnia quæ in eis
sunt, verbo tuo fecisti.

Cuius potentia irresistibilis, & miseri-
cordia super omnia opera tua.

In dilectione tua vniuersa sunt posita, a-
nima omnis viuentis, & spiritus vniuer-
sæ humanæ carnis.

Tu misereris cui volueris, & clemens
es, in quem tibi placuerit.

Consilium tuum in sempiternum per-
fister, & omnis tua voluntas fiet.

Tua est potentia, & imperium & glo-
ria, qui es super omnia, & per omnia, &
in omnibus nobis.

Pater misericordiarum, & Deus om-
nis gratiæ, pacisque ac consolationis, qui
non vis mortem impij, nec delectaris in

A ij

4 PRECATIONES
perditionibus animarum.

O Deus , misericordia diues , qui propter nimiam charitatem tuam, qua dilexisti nos , etiam cum inimici tui essemus, vnigenitum Filium tuum Iesum Christum misisti in hunc mundum , ut omnis qui credit in eum non pereat , sed habeat vitam æternam:

Miserere mei,miserere mei,secundum magnam misericordiam tuam.

Et secundum multitudinem miserationum tuarum,dele transgressiones meas.

Laua me , Deus sancte , ab iniuitate mea,& ab immunditijs meis purga me.

Scelera enim mea agnosco Domine,& iniusticias meas contra me pronuntio.

Confiteor aduersum me impietatem cordis mei , nam erga te cor perfidum semper habui ac rebelle.

Filius infidelis , & exasperans, prouocavi te in vanitatibus meis.

Pater sancte, peccavi in cælum & coram te , neque iam sum dignus vocari filius tuus.

Quoniam irritavi iram tuam in multitudine iniuitatis meæ , & mentitus sum in omnibus iustitijs tuis.

Re-

Reuersus sum à vijs tuis, vt facerem malum in conspectu tuo, impiè egi, & iniquè me gessi, relinquens mandata tua, & detrahens correctioni tuæ.

Auerti me, & nō custodiui fœdus tuū, ambulaui in via non bona post cogitationes meas, elegens ea, quæ tu noluisti.

Non te metui, Domine Deus omnipotens, neque vultum tuum reueritus sum, inobediens fui, & ceruicem meam indurauit.

Frons meretricis facta est mihi, nescio erubescere, ecce loquor ad te, sed facio male magis ac magis.

Deserui bonum, retrorsum abij, non posui spem in te Deo factore meo, sed aliud præsidium & securitatem parans.

Araui impietatem, iniquitatem mesui, comedi fructum mendacij, quia confusus sum in via mea.

Proieci legem tuam post tergum, non attendens mandato tuo, nec recedens à studijs meis prauis.

Non dedi cor vt reuerterer ad semitas tuas, te enim agnoscere nolui, at impegi propter iniquitatem meam.

Non sum reuersus ad te in toto cor-

A iij

de meo vsque in hunc diem, sed menda-
citer, & quemadmodum fidem frangit
mulier viro suo, sic fidem fregitibi, ô Do-
mine Deus.

Abominabilia enim feci, & malorum
nihil me pœnituit, de malo ad malum
transiens post concupiscérias cordis mei
prauas.

Tu scis omnia Domine, quo modo
irritaui te in adinventionibus meis ma-
lis, & vniuersa mea delicta à te non sunt
abscondita.

Exosam habui disciplinam tuam, &
sermones tuos proieciri retrorsum.

De malitia mea pœnitentiam non e-
gi, sed præualui in vanitate multa.

In corde meo non fuit veritas, & iniu-
sticiam operatæ sunt manus meæ.

Loquutus sum iniquitatem, & dolos
parturiui, meditatus sum cum corde meo
verba mendacij, & consumpta est in vijs
meis veritas.

Adsuicili linguam meam loqui vani-
tates, perficiens voluntatem carnis & co-
gitationum, studia & adinventiones meæ
contra te Domine Deus, ut prouocarem
oculos maiestatis tux.

Vi-

Vidisti hæc omnia Domine , & tacui-
sti , sed malum fuit in oculis tuis , & non
placuit tibi .

In indignatione tua repudiasti me , &
diuīsus es à me iam multis diebus .

Tradidisti me in desideria cordis mei ,
vt ea facerem , quæ non conueniunt .

Væ mihi , quod recessi à te , multa mihi
calamitas , quoniā flagitiosè vitam duxi .

Væ mihi desertori , vt facerem consi-
lia , & non ex te , & perficerem cogitatio-
nes , sed non ex spiritu tuo : propterea cō-
gregationes peccati super peccatum .

Quotidie ignominia mea mihi ob o-
culos , & pudor faciem meam obtegit .

Et tu Domine Deus , quare obliuiscer-
is mei , & tam diu contines misericor-
diam tuam à me ?

Suscipe caussam meam post longam
iram tuam : misericors enim es , ne irascas-
ris obsecro in perpetuum .

Ne repellas contritum & humiliatum ,
miserum & abiectum , qui nomen tuum
suppliciter inuocat .

Reuertere aliquantulum , Domine
Deus , & exorabilis esto super sceleribus
meis .

A iiiij

Ne facias mihi iuxta peccata mea , & secūdū iniquitates meas ne reddas mihi.

Ne ostendas potentiam tuam in misserum, nec eum, cui nulla est virtus, tam durè persequaris.

Veniant preces meæ ante vultum tuum , & iuxta promissa tua , recipias me in gratiam tuam.

Tuus enim ego sum, Pater iustus, quem pretioso suo sanguine redemit unicus ubi Natus.

Et iam abominatur anima mea vitam meam, & te iudicé omnium veniam peto.

Humilio me sub potēti tua manu, quoniam quum iratus fueris , misericordiam facis , & in tempore tribulationis peccata dimittis.

Et ego peccatorem me confiteor, obsecrans te Domine Deus omnipotens, pro bonitate tua , ut facias mecum iuxta magnam misericordiam tuam.

Confundor & erubesco leuare faciem meam ad te, quoniam delicta mea ascenderunt in conspectum tuum.

In te,in te Pater peccavi, & quod malum est in oculis tuis admisi, multa siquidem est iniquitas mea coram te . Profes-

ctò

Et in te præuaricatus sum ab incunabulis meis vsque in hunc diem, iugiter faciens malum ab vberibus matris meæ.

En ego in iniquitate genitus sum, & peccato inquinatum enixa est mea mater.

Granum enim feminis mali seritur in corde meo, & ab eo quantum impietatis pollulauerit vsque ad hunc diem?

Transgressiones meæ mecum sunt, & hucusque fero opprobrium adolescentiæ meæ.

Ecce Domine sub peccato vñundatus sum, & non inuenio in carne mea bonum.

Siquidem quod volo bonum, illud non ago, sed quod odio mihi est malum, id facio.

Cuncta cogitatio cordis mei apposita est ad malum omni tempore, ab adolescentia mea.

Et quare morior in peccatis meis Domine Deus omnipotens? quum tibi non sit voluntas ut moriatur impius, tantum ut reuertatur, & viuat.

Tu etenim bonus es & propitiabilis, qui etiam indignos saluas iuxta magnam

IO PRECATIONES
misericordiam tuam.

Quanquam enim insustentabilis sit ira super peccatores cōminationis tuæ , im- mensa tamen & imperuestigabilis misericordia promissionis tuæ .

Tu fecisti misericordiam in millibus à retro temporibus , quò magnum red- deres nomen tuum , quemadmodum etiam nunc permanet.

Patres antiqui in angustijs suis ad te clamauerunt , & tu liberasti eos : in te spe- rauerunt , & non sunt confusi .

Cùm non haberent vltrà , quod age- rent , hoc solùm restabat , vt oculos suos ad te dirigerent .

Saluasti eos propter nomen tuum , & ostenderes in eis fortitudinem tuam .

Multis vicibus provocabant te iniqui- tibus suis , & ad iracundiam concitaue- runt bonitatem tuam .

Et quum tribulationem eorum & eos supplices tibi vidisses ,

Recordatus pacti tui , pœnituit te , iuxta multitudinem miserationum tua- rum .

Misercere mei , miserere mei ô Domi- ne Deus omnipotens : nam miser & in- fœlix

fœlix ego sum, sana me obsecro, quem
percussisti propter iniquitatem meam.

Anima mea vehementer turbata est,
& tu Domine, quousque non respicies?

Quousque reprobabis orationem ad
te vociferantis? an ne in perpetuum? quo
usque auertes faciem tuam à me?

Vbi sunt misericordiæ tuæ antiquæ
Domine, quas fumâsti in veritate tua?

Num iam desines misereri Deus? aut
reprimes per iram bonitatem tuam?

Num proiecisti in æternum, ut nun-
quam posthac sis placidus?

Et manus tua non est inualida, quin
iuuare potest: nec grauatæ aures tuæ, ut
audire renuant.

Quandiu voluam cogitationes ama-
ras cum animo meo? quanto tempore
dolor cor meum torquebit?

Quousque tandem superabit me ini-
micus meus? respice & exaudi me ô Do-
mine Deus.

Illumina oculos meos: diutiùs enim
obdormiui in morte, & præualuerunt ad-
uersum me iniquitates meæ.

Reuertere Domine, reuertere, ut eri-
pias animam meam, & saluum me

facias propter magnam misericordiam tuam.

Ecce nunc tempus accepabile, ecce nunc dies salutis & gratiæ.

In morte quænam erit memoria tui? aut in inferno quis confitebitur tibi?

Viuens, viuens, ipse te laudabit, & nō tam faciet misericordiam tuam.

Domine, in ira tua ne arguas me, neq; in furore tuo vltionem de me sumas.

Ne iacias ad me tela tua, neque aggriues super me manum tuam.

Iram tuam diutiūs tuli, & de calice furoris tui plus satis bibi.

Non est sanitas in carne mea, à facie iræ tuæ, nulla mihi pax à facie peccatorum meorum.

Iniuitates meæ supergressæ sunt caput meum, & velut pondus immane quotidie me premunt.

Fœtoré exhalant cicatrices meæ, propter stultitiam meam.

Miser sum, & abiectus à facie tua, omni die mœrens ingredior.

Anima mea plena est immunditijs, & in me toto nihil est sanum.

Hinc sit, ut inimici mei crudeliūs me per-

persequantur, obrugio præ magnitudine doloris mei.

Cor meum in me fluctuabundum est,
& fortitudo mea à me recessit.

Domine, notum est tibi desiderium
meū, & necessitas mea te minimè latet.

Propitius esto peccatis meis propter
temeripsum, ô Domine Deus omnipotens,
& scelera mea coram te delean-
tur: nam secundum bonitatem tuam
promisisti pœnitentiam remissionis pec-
catorum.

Propter gloriam nominis tui Domi-
ne miserere mei, & solue tuam erga me
indignationem, & tum verè iustus agno-
scēris in verbis tuis, & vinces quum de te
iudicabitur.

Siquidem per hoc annuntiabitur im-
mensa tua gratia, quum misertus fueris
eorum, qui non habent vnde glorientur
in conspectu tuo.

Et bonitatem tuam discent omnes ha-
bitatores terræ, quum beneficeris nobis
propter nomen magnum tuum, & nō se-
cundum vias nostras malas, neque iuxta
scelera nostra praua.

Profectò Domine Deus, si non multi-

plicaueris misericordias tuas erga nos,
nō viuificabitur seculum cum eis qui ha-
bitant in eo, & si non donaueris de boni-
tate tua , quomodo erigantur illi, qui ini-
quitatem fecerunt, de peccatis suis?

Miserere mei , miserere mei , ô Pater
bone , & noli diutius tecum irasci pro-
pter nomen magnum tuum.

Et propter nomen sancti filij tui Iesu,
quem misisti propitiationem pro pecca-
tis nostris per fidem in sanguine suo, pro-
pitius esto mihi peccatori.

Ecce pater sancte , ecce puerum tu-
um , quem elegisti: en dilectum tibi fi-
liolum , in quo bene complacitum est a-
nimæ tuæ , ponens spiritum tuum super
eum , & mittens eum , vt euangelizaret
pauperibus, vt sanaret contritos , vt con-
solaret omnes lugentes , & prædica-
ret captiuis indulgentiam , & cæcis vi-
sum.

Ecce parvulum tuum , qui natus est
nobis ecce filium tuum,qñ datus est no-
bis, cui etiam non pepercisti, sed pro om-
nibus ad mortem tradidisti, oblationem
& hostiam in odorem suavitatis.

Verè languores nostros ipse in cor-
pore

pore suo tulit , & dolores nostros ipse
portauit.

Infirmatus est propter peccata no-
stra , & vulneratus propter scelera no-
stra.

Disciplina pacis nostræ irruit super
eum , & liuore suo vulnera nostra sanas-
ta sunt.

Omnes nos quasi oves errauimus , v-
nusquisque in viam suam declinauit , &
tu Domine posuisti in eo iniquitates om-
nium nostrum, percutiens ipsum propter
scelera populi tui.

Corpus suum dedit percutientibus,
& genas vellentibus , faciem suam non
auertit ab increpantibus & conspuenti-
bus in eum.

In dilectione & misericordia sua per-
ditos redemit, pacificans per sanguinem
crucis suæ, quæ in cælis, & quæ in terris
sunt omnia.

Tradidit in mortem animam suam , &
pro transgressoribus preces effudit.

Respice clementissime pater, quisnam
ille qui passus est, & reminiscere obsecro
pro quibus passus est.

Hic est enim innocens ille, quæ (quum

essemus peccatores) pro nobis ad mortem dedisti: num non multò magis iustificati, nūc in sanguine ipsius, salui erimus ab ira per ipsum?

Si reconciliati tibi sumus (quùm adhuc inimici essemus) per mortem filij tui, an non multò magis reconciliati, salui erimus in vita ipsius?

Ecce agnum immaculatum, qui peccata mundi tollit, cuius pretioso sanguine redempti sumus de iniquitatibus nostris.

Ecce mitissimum innocentem, qui tanquam ouis ad occisionem ductus est, & dum male tractaretur, os suum non peruit.

Ecce unicum tibi natum, quem nisi ex omnipotente virtute tua genuisti, meæ tamen infirmitatis participem fieri voluisti.

Qui cùm in forma Dei esset, nec rapinā arbitratus esset se æqualē Deo, semet ipsum exinanivit, formam serui accipies, & in similitudine carnis peccati veniens, damnauit peccatum in carne, humilians semet ipsum, tibi pater usque ad mortem crucis illicque chirographum, quod aduersum

aduersum nos erat decretum, delebat, &
tollens de medio suffxit illud cruci, in
qua expolians principatus & potestates,
traduxit confidenter, palam triumphans,
eos in semetipso.

Reduc, Domine Deus, oculos tuos ma-
iestatis super opus ineffabilis pietatis.

Intuere dulcem tuum Natum toto cor-
pore extensem.

Oblustra partes omnes à vertice ca-
pitis usque ad plantam pedis, & non in-
uenietur dolor sicut dolor illius.

Attende, pie Pater, dilecti tibi Filioli
caput venerandum, horridis circumseptu
spinis, diuinum vultum viuo undique spar-
gens cruento.

Enim impube flagellatur corpus, nudum
tunditur pectus, perfoditur cruentum la-
tus, anhelans cor obpalpitat, extesi strin-
guntur nerui, decora languent lumina,
regia pallent ora, melliflua exastuat lin-
gua, interna arescant viscera, liuida ri-
gent brachia, ossa diuelluntur solida, spe-
ciosa debilitantur crura, pedes immacu-
latos vinda purpurei sanguinis eluit.

Adspice mitissime conditor charissi-
mae prolis humanitatē, & miserere super

B

infirmi figmenti tui debilitatem.

Specta gloriose genitor, gratissimꝝ^z
prolis lacerata m bra, & memorare ob-
secro quantula est mea substantia.

Conspicare Dei hominis p nam, &
relaxa conditi hominis miseriam.

Vide redemptoris supplicium, & re-
dempti dimitte delictum.

Viam sceleratam procul   me pelle, &
doce me per spirum tuum sanctum, viam
veritatis eligere.

Obsecro te ô Rex sanctorum, per h c
sanctum sanctorum, per hunc redempto-
rem meum, ut reducas me in viam rect ,
quo ei valeam spiritu vniri, qui mea non
abhorruit carne vestiri.

Perfice gressus meos in semitis tuis,
facque odio me habere omnes vias ini-
quitatis.

Ablue   malitia cor meum, & ab oc-
cultis malis munda me.

Exquia me ô Pater sancte, per sanguinem
testam ti  terni Filij tui dilecti, qui
dilexit nos, & lauit nos   peccatis no-
stris in sanguine suo, & redemit ab omni
iniquitate.

Purifica cor meum per sanctification 
spiritus

spiritus tui , & aspersionem sanguinis filij
tui, ab omni immunditia peccati, & con-
scientia mala.

Deus omnipotens propitius esto mi-
hi peccatori , propter nomen magnum
tuum, & iniuriam mearum ne memor
sis amplius.

Quoniam Deus es tu , bonus & mi-
sericors, ac patiens erga nos, nolens ali-
quos perire , sed omnes ad pœnitentiam
reuerti.

Fac me redire, Domine Deus, de vijs
meis malis , & à cogitationibus meis
prauis.

Peccatorum adolescentiæ meæ & sce-
lerum meorum ne sis memor: secundum
misericordiam tuam memor esto mei tu,
propter bonitatem tuam Domine.

Ne ponas vultum tuum aduersum me
in malum, quoniam nullus est, qui auder-
pro me testimonium dicere.

Nec incas iudicium cum seruotuo , te
enim accusatore nunquam absoluar.

Etenim si iniuriantes attendas Domi-
ne, Domine , quis non cadet in conspe-
ctu tuo? hoc pro certo est, quod coram te
nemo viuens iustificabitur , cum aduer-

B ij

sus angelos tuos peruersi quid reperisti?

Quāto magis in homine, qui est abominatio & fœtor, & domum inhabitat luteam, & babit sicut aquas iniquitatem?

Quis purus est à sorde ex ijs, qui omnes polluti sunt? ne vñus quidem, etiam si vnius diei fuerit vita eius super terram, & numerabiles menses illius.

In veritate nemo de genitis est, qui nō impiè gessit, nec quisquam iustus in terra, qui bonum facit, & non peccat.

Sed quoniam tecum est propitiatio, cùm terribilis sis, spes mea in te Domine Deus, cui fudit anima mea.

Anima mea te expectat, quoniam tecum est misericordia, & copiosa apud te redemptio.

Hoc enim certissimè scio, quòd non repelles in sempiternum, sed tu ipse qui abieceris, rursum misereberis secundum multititudinem miserationum tuarum.

Pius & clemens es tu Domine Deus, & non auertes faciem tuam à nobis, si reuersi fuerimus ad te.

Tu enim Deus noster suavis, & verus, p̄t̄s, & in misericordia disponēs omnia.

Exuberāt fontes bonitatis tuæ, & gra-

zia

tia tua nunquam deficit.

Vniuersæ viæ tuæ misericordia & veritas fœdus tuum, & testimonia tua exquirerentibus.

Quam mitis est parens in pueros suos, tam mitis tu Domine erga timentes te, & pro abundantia misericordiæ tuæ indulges infirmitatibus nostris.

Agnoscis figmentum tuum, recordaris quales sumus, memor es quod caro sumus, & nullius firmitatis.

Non oblitus es, quod mundus hic repletur iniustitia & impietate, & totus in maligno positus est.

Attamen tu misericors es & plenus gratia, propitius, ac pœnitens super malitiam hominum.

Miserere mei, ô Domine Deus salutis meæ, propter gloriam nominis tui, & libera me, & propitius esto peccatis meis propter nomen tuum.

Pater iuste, ne attendas multitudinem iniquitatum mearum, sed respice faciem Iesu filij tui sancti, qui peccatum non fecit, & peccata nostra pertulit in corpore suo, super lignum crucis.

Auerte faciem tuam à peccatis meis,

B iiij

Cor mundum crea in me Deus, & spiritum rectum innoua intra me.

Ne proijcas me à facie tua, & spiritum sanctum tuum ne auferas à me.

Redde mihi lætitiam de salute tua, & spiritu potenti confirma me.

Emoliias cor meum Domine Deus, & reuertar ad semitas tuas, nam in erroris via diutius erravi.

Conuerte me ad te, & conuertar, tu enim factus es, ego vero lutum, & opus manuum tuarum.

Ne auertas faciem tuam à me, ne declines in ira à seruo tuo.

Adiutor esto mihi, ne deserfas me, ne que despicias me ô Domine Deus meus, & salus mea, Amen.

*PSALMVS II. PRO
peccatorum remissione.*

Fortissime Deus spirituum, & vniuersitatem carnis, cuius iudicia inscrutabilia sunt & sapientia profunda,

Exaudi preces serui tui, & ne repellas obsecraciones figmenti tui.

Etenim donec vixero loquar ad te, &

non